

Årsmelding for 2019

og

styret si melding

Selskapet si verksemd

Haugaland Kontrollutvalgssekretariat IKS blei stifta med verknad frå 01.01.05. Selskapet utgjer eit interkommunalt samarbeid mellom 10 kommunar på Haugalandet, og skal ivareta funksjonen som sekretariat for kontrollutvala for eigarane.

Deltakarkommunane er Bokn, Etne, Haugesund, Karmøy, Sauda, Suldal, Sveio, Tysvær, Utsira og Vindafjord. Kommunane hadde totalt 118.407 innbyggjarar pr. 01.01.19. Kontora ligg i Tysvær rådhus, Aksdal, medan møta i kontrollutvala blir halde i rådhusa ute i kommunane.

Selskapet utførar sekretariatstenester som omfattar oppgåver som saksførebuing, protokollføring og iverksetjing av vedtak i kontrollutvala.

Året 2019 har vore prega av ordinær drift, der sekretariatet har bistått kontrollutvala med å ivareta sin tilsynsfunksjon i kommunane. I tillegg at sekretariatet handtert sak om bruk av opsjonsavtalen for revisjonstenestene for kommunane fram til 31.06.21. Sekretariatet har gjennomført totalt 47 (46) kontrollutvalsmøte og saksførebuidd 274 (267) saker i 2019. Av desse har 72 (53) gått til vidare handsaming i kommunestyra. Talet på desse sakene har variert frå 5 til 10 saker i dei ulike kommunane.

I selskapet har det vore fire styremøte og eit representantskapsmøte i mai. Styret har handsama 21 (23) saker, der seks saker er sendt eller skal sendast vidare til representantskapet med innstilling. På personellsida har det vore inga endringar. Selskapet har sine midlar på driftskonto, kapitalkonto og på lovpålagt skattetrekkkonto.

I 2019 blei ny strategiplan vedteken for perioden 2018-2022. For kvar av dei seks måla er det no sett opp ei strategi for å nå måla. Dette mangla i tidlegare planar. Selskapet har mellom anna som mål å helde dei tilsette oppdaterte og vere synlege for eigarane. Dagleg leiar har møtt som observatør på to representantskapsmøte i interkommunale selskap. I 2019 har ho også møtt i Karmøy kontroll- og kvalitetsutval for å orientere om selskapet, som del av deira eigarskapskontroll av kommunen sine selskap.

For å samordne arbeidet til utvala med staten sitt tilsynsarbeid i kommunane, har sekretariatet og fylkesmannen i Rogaland kontakt. Det gjeld for forvaltningsrevisjonsarbeidet, slik at alle drar vekslar på, og byggjer på kvarandre sitt arbeid, i staden for å undersøke same tenesteområde innan for omtrent same tidsrom.

Framhald av drift

Verksemda er basert på eit gjensidig samarbeid med og mellom eigarane om sekretariatfunksjonen for kontrollutvala i avtale frå 2004. Det er inga indikasjonar som skulle seie at grunnlaget for selskapet skal falle bort.

Kommunelova krev at sekretariata skal ha si sjølvstende, dvs. ikkje vere underlagt rådmann eller revisor. Ei samanslåing av kommunar vil kunne få verknad for drifta, men det er pr. i dag inga planar om dette. Selskapet har stabilitet i arbeidsstokk, eigenkapitalen er god og rekneskapen viser overskot.

Med dette som utgangspunkt meiner styret at vilkåra for framhald av drift av selskapet er til stades.

Resultat og utvikling

Selskapet skal i tråd med selskapsavtalen drivast i balanse, slik at inntektene frå kommunane dekkjar kostnadene. Rekneskapen for 2019 viser ein omsetnad/budsjett på kr 2 077 000. Drifta har resultert i eit driftoverskot på kr 44 749 og eit **positivt årsresultat på kr 48 841**. Lønnskostnadene blei litt høgare og driftskostnaden nokre mindre enn vedtatt budsjett. Sekretariatet har fram til desember 2019 utført rekneskapsføring og lønnskjøring sjølv. Etter eit datauhell blei det av dagleg leiar og styreleiar bestemt å leige inn tenestene for å få ei årsavslutning av rekneskapen.

Styret gjer framlegg at overskotet vert tilført eigenkapitalen. IKSet er eit lite selskap og er sårbar for endringar i rammevilkår og arbeidsstokk. Det er såleis viktig å ha reservar tilgjengeleg. Ved å kunne sette av midlar vil selskapet bli meir robust i sin daglege drift, samstundes som selskapet blir meir likvid.

Selskapet har i 2019 ikkje delteke i eller gjennomført forskings- og utviklingsprosjekt.

Arbeidsmiljø

Selskapet har eit godt arbeidsmiljø. Sjukefråveret er rekna til 2 % (0,9 %), og er som tidlegare år svært lågt. Det har ikkje vore nokon skadar eller ulykker. Selskapet har hatt fokus på forhold knytte til helse, miljø og tryggleik. Selskapet har samarbeidsavtale med NAV om inkluderande arbeidsliv.

Som tidlegare år har styret ein positiv haldning til kompetanseoppbygging i selskapet. Styret meiner det er viktig for å halde på dyktige medarbeidarar og at det har positive verknader for arbeidsmiljøet. Sekretariatet har i 2019 delteke på konferansen i regi av NKRF i januar. I august var sekretariatet på nettverksmøte med Agder, Haugalandet og Rogaland i Spangereid. Dagleg leiar og rådgjevar deltok også på Vestlandssamlinga for kontrollutvalssekretariat i Molde i oktober.

Likestilling

Selskapet har to tilsette, ei kvinne og ein mann. Styret i selskapet er sett saman av to kvinner og ein mann. Det er ikkje sett i verk spesielle likestillingstiltak. Selskapet legg vekt på likebehandling mellom kjønna i sin verksemd og styret meiner denne målsettinga er oppfylt.

Ytre miljø

Selskapet har ikkje verksemd som forureinar utover reiseaktivitet knytte til arbeidet i eigarkommunane. Selskapet sitt hovudkontor er lagt til Aksdal i Tysvær kommune, som geografisk ligg om lag midt i selskapet sitt virkeområde.

Avslutning

Som sekretariat for kontrollutvala er selskapet avhengig av eit nært og godt samarbeid med kommunestyra og administrasjonen i kommunane og revisjonsselskapa. Styret vil takka for samarbeidet som har vore i året som har gått.


På denne måten kan Haugaland Kontrollutvalgssekretariat IKS på sin måte vere med på å få ein velfungerande forvaltning og skape størst mogleg tillit til kommunane som forvaltningsorgan, til beste for kommunane og den enkelte innbyggjar.


Aksdal, 11.02.20



Astri Furumo


styreleiar

for 
Simon Næsse
nestleiar



Siv Bente Stople Østbo

styremedlem



Toril Hallsjø

dagleg leiar